

## UGOVOR

o pružanju usluge spasilačke službe za spašavanja ljudi u planini i drugim nepristupačnim mjestima za potrebe Ski centra Bjelašnica-Igman u toku trajanja sezone 2020/2021

### I UGOVORNE STRANE

**KJP „ZOI'84“ OCS d.o.o. Sarajevo**  
Sjedište: Alipašina bb, 71000 Sarajevo  
Koga zastupa v.d.Direktor Edis Baković  
Identifikacijski broj: 4200347000004  
(u daljem tekstu: Naručilac)

### **GORSKA SLUŽBA SPAŠAVANJA – Stanica Sarajevo**

Sjedište: Salke Lagumdžije 13, 71000 Sarajevo  
Koga zastupa predsjednik U.O.-stanice Sarajevo Dženadin Veladžić  
Identifikacijski broj: 4200080080003  
Transakcijski broj banke, ime i sjedište banke: 3383202250694307 Unicredit banka dd Sarajevo (u daljem tekstu: Izvršilac)

### II PREDMET UGOVORA

#### *Član 1.*

Predmet ovog Ugovora su usluge spasilačke službe za spašavanje ljudi u planini i drugim nepristupačnim mjestima za potrebe Ski centra Bjelašnica-Igman u toku trajanja sezone 2020/2021, a prema pozivu Naručioaca broj: 3111/20 od 12.11.2020.godine i ponudi Izvršioca broj: 02-11-06/20 od 20.11.2020. godine, koji su u prilogu ovog Ugovora i čine njegov sastavni dio.

### III CIJENA I NAČIN PLAĆANJA

#### *Član 2.*

(1) Ukupna vrijednost predmetnog ugovora iznosi **49.990,00 KM** (slovima: četrdesetdevetihiljaddevetstotinadvedeset i 00 /100 konvertibilnih maraka) bez PDV-a.

(2) Usluge iz člana 1. ovog Ugovora će se plaćati prema utvrđenim jediničnim cijenama iz ponude Izvršioca broj: 02-11-06/20 od 20.11.2020. godine, koje se neće mijenjati tokom ugovornog perioda.

(3) Ugovorne strane su saglasne da će Naručilac za izvršene usluge vršiti plaćanje na osnovu fakture izdate od strane Izvršioca u roku od 30 (trideset) dana od dana ispostavljanja fakture.

#### *Član 3.*

Ukoliko Izvršilac ne izvrši ugovorene obaveze u ugovorenom roku, dužan je na ime ugovorne kazne fakturu za izvršenu uslugu umanjiti za iznos od po 10,00 KM od ukupno ugovorenog iznosa za svaki započeti dan kašnjenja do izvršenja ugovora, a najviše do 10% od ukupno ugovorenog iznosa.

## IV OBAVEZE IZVRŠIOCA

### Član 4.

(1) Izvršilac se obavezuje da:

- a) će obezbjediti ekipu spasilaca 4+2 (šest) članova u zimskoj sezoni sa dežurstvom u periodu kada radi vertikalni transport, tačnije radnim danima na terenu treba da boravi jedna ekipa spasilaca, a vikendom bi to bio maksimalan broj od osam spasilaca, a po potrebi i više ;
- b) će u svoj sastav dodatno angažovati 6 (šest) uposlenika firme „ZOI'84 “ ;
- c) tokom cijelog dana stalno obilaze u sigurnoj i laganoj vožnji sve staze i kontrolišu da li je došlo do oštećenja na stazi (prije puštanja liftova i žičara u rad u toku i po gašenju istih);
- d) blagovremeno obavještavaju operativni centar Naručioca o uočenim opasnostima na stazama;
- e) u slučaju povrede skijaša na stazi dolaze što prije do povrijeđenog, pružaju prvu pomoć, te ga transportuju do hitne medicinske pomoći koja je stacionirana na skijalištu ;
- f) vrše pretragu za izgubljenim licima;
- g) svakodnevno, za prethodni dan, dostavlja pismeni izveštaj o radu ekipe Izvršioca koji obuhvata: broj spasilaca koji su na dežurstvu, broj i opis izvršenih intervencija, detaljan izveštaj o svakoj izvršenoj intervenciji (povredna lista), i koji se sačinjava u dva primerka ( jedan za Naručioca i jedan za Izvršioca ), ovjerava od strane rukovodioca Izvršioca i ovlaštenog predstavnika Naručioca, uz obavezu Izvršioca da, uz povrednu listu, dostavlja i fotografiju povrijeđenog i mjesta povrede;
- h) da vrše nadzor i upozorava skijaše i ostale učesnike o kršenju FIS-ovih Pravila ponašanja na stazi;
- i) da vrše postavku opreme za spašavanje na za to predviđena mjesta (okretne liftove, polazne kućice i druge objekte);
- j) za vrijeme dežurstva bude u stalnoj vezi sa operativnim centrom Naručioca.

(2) Materijalna sredstava koja se planiraju koristiti za izvršenje ovog Ugovora su:

- a) 1 (jedne) motorne sanke,
- b) 2 (dva) akcija čamac za transport povrijeđenih,
- c) 3 (tri) kompleta sanitetskog materijala,
- d) 4 (četiri) radio primopredajnika (motorole),
- e) 2 (dva) kompleta pneumatskih udlaga (ruka, noga),
- f) 1 (jedan) komplet vakum madrac za teške povrede kičme,
- g) 1 (jedna) helikopterska nosiljka za transport teško povrijeđenih,
- h) 5 (pet) kompleta za spašavanje sa žičara,
- i) 5 (pet) lavinskih sondi,
- j) 5 (pet) lavinskih lopata.

### Član 5.

Isključuje se svaka građansko pravna, krivična i prekršajna odgovornost Izvršioca i/ili dežurne ekipe Izvršioca i/ili bilo kojeg člana dežurne ekipe Izvršioca prema bilo kojem povređenom ili ugroženom korisniku usluge skijališta, kome je prva pomoć i/ili transport i/ili pomoć prilikom pretrage pružena ili se sa njenim pružanjem započelo od strane trećih neovlaštenih lica (npr. pripadnika Ministarstva unutrašnjih poslova, pripadnika Armije BiH, zaposlenih lica u Skijalištu, korisnika usluga skijališta i sl.) bez dozvole i znanja Rukovodioca Izvršioca.

### Član 6.

U slučaju nevremena, odluku o početku i prestanku rada žičara, na zahtjev Rukovodioca Izvršioca, donosi ovlašteni predstavnik Naručioca.

#### *Član 7.*

(1) Ekipom Izvršioca u Ski centru Bjelašnica-Igman rukovodi ovlašteni predstavnik Izvršioca (u daljem tekstu: Rukovodilac Izvršioca), koji odgovara za rad iste, vrši dnevni raspored spasilaca, rukovodi akcijom spašavanja i obavlja svakodnevne dogovore sa ovlaštenim predstavnikom Naručioca ili licem koje ga zamenjuje.

(2) Za koordinaciju operativnih aktivnosti na realizaciji ovog Ugovora u pogledu praćenja izvršenja ugovorenih usluga u ime Naručioca imenuje se Ramiz Elezović i Azmir Memeledžija.

### **V OBAVEZE NARUČIOCA**

#### *Član 8.*

Naručilac se obavezuje da će :

- a) na osnovu angažovanja i organizacije spasilačke službe obezbediti prostorije za boravak i smještaj opreme kao i obezbjeđenje parking prostora za 3 (tri) obilježena vozila GSS oznakama;
- b) osigurati pravo prvenstva za nesmetan ulazak članova spasilačke službe na vertikalni transport sa uniformom ili akreditacijom GSS Stanice Sarajevo, na fer i korektnoj osnovi;
- c) ustupiti kolektivnu opreme ski centra u službi spašavanja povrijeđenih osoba;
- d) osigurati termine za uvježbavanje timova za spašavanje sa žičare zajedno sa uposlenicima centra (uz predhodnu najavu).

#### *Član 9.*

Ugovorne strane su saglasne da će u sklopu zajedničke saradnje međusobno usaglasiti organizovanje predsezonske vježbe spašavanja sa žičara, kao i rekonstrukciju postojećeg plana spašavanja sa žičara.

#### *Član 10.*

Ugovorne strane su saglasne da GSS koristi i primjenjuje najnovija dostignuća iz oblasti spašavanja na ski stazama, shodno odredbama Međunarodne spasilačke asocijacije IKAR-CISA-a, te da međusobnu saradnju i angažman usklađuju sa odredbama Zakona o javnom skijalištu.

#### *Član 11.*

U slučaju neprofesionalnog ponašanja od strane pripadnika Izvršioca, te na taj način izazvanih eventualnih povreda posjetilaca, Naručilac ne snosi odgovornost radi naknade štete.

### **VI STUPANJE NA SNAGU I RJEŠAVANJE SPOROVA**

#### *Član 12.*

Ovaj Ugovor stupa na snagu danom potpisivanja, a primjenjuje se 4 (četiri) mjeseca, odnosno do potpunog utroška sredstava iz člana 2. stav (1) ovog Ugovora.

#### *Član 13.*

(1) Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana od dana prijema pismenog obavještenja o otkazu Ugovora.

(2) Ugovor se raskida pismenom Izjavom koja se dostavlja drugoj ugovornoj strani. U Izjavi mora biti naveden razlog zbog kojeg se raskida ovaj Ugovor.

(3) Ako ugovorne strane sporazumno raskinu ugovor, tim sporazumom će se regulisati sva pitanja nastala povodom raskida ovog Ugovora.

**Član 14.**

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

**VI OSTALE ODREDBE**

**Član 15.**

Izvršilac nema pravo da u svrhu izvršenja ovog Ugovora, zapošljava fizičke ili pravne osobe koje su bile uključene u pripremu zahtjeva za dostavljanje ponuda, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

**Član 16.**

Za sve što nije regulirano ovim ugovorom primjenjivaće se odredbe propisa Zakona o obligacionim odnosima u Bosni i Hercegovini.

**Član 17.**

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

**Član 18.**

Ovaj ugovor je sačinjen u 6 (šest) istovjetna primjerka od kojih svaka ugovorna strana zadržava po 3 (tri) primjerka.

**Za Izvršioca**



predsjednik U.O.-stanice Sarajevo  
Dženadin Veladžić



**Za Naručioca**



Edis Baković, v.d. Direktor



Datum: \_\_\_\_\_.\_\_\_\_. 2020. godine  
Broj:

02-11-06/20

Datum: 11. 12. 2020. godine  
Broj: 3530/20

**OBRAZAC ZA CIJENI PONUDU**

Naliv podnežnik u općini Čabranka, ulica Spasavanja, stajalište Čabranka  
 Ponuda broj i datum: 02-11-05/20, 13.11.2020.

R. br.	Opis	Prilozi pružanja uobičajno	Ukupna iznosa mjesec bez PDV-a	Ukupna cijena mjesec uključujući PDV
1	Uključuje opremljena vozila za spašavanje ljudi u plamim, otuđenim, nesposobnim i izostanim za potrebe SAJ u općini Čabranka-izvan ili u toku trajanja sezona snježnog.	4 vozila	12.497,5 KM	49.990,00 KM
2	Ukupno bez PDV-a		49.990,00 KM	
3	Popust			
4	PDV			
5	Ukupno sa popustom i PDV-om		49.990,00 KM	
6	Cijena		ČETRDESET DEVET HILJADA DEVETSTO DEVEDESET	

**Napomena:**

1. Ponudac je obavezan u ponudi da naveda popust ako je isti odobren.
2. Cijene moraju biti izražene u KM. Za svaku stavku u ponudi mora se navesti cijena.
3. U slučaju razlika između pojedinih cijena i ukupnog iznosa, ispravka će se izvršiti u korist sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

Potpis ovlaštenog osobe: \_\_\_\_\_



Pečat ponuđača



